



Yeye ni Jua la Haki

Lakini kwenu ninyi mnaolicha jina langu, jua la haki litawazukia, lenye Lkuponya katika mbawa zake. —**Malaki 4:2.**

Katika nyumba ya mvuvi huko Kapernaumu, mama mkwe wa Petro alikuwa amelala akiugua “homa kali,” nao “wakamwambia habari zake.” Yesu “akamwinua kwa kumshika mkono, homa ikamwacha,” na akaamka na kuwahudumia Mwokozi na wanafunzi Wake (Luka 4:38; Marko 1:30; Mathayo 8:15).

Habari hizi zilienea kwa haraka. Miujiza ilikuwa imetendeka katika Sabato, na kwa hofu ya mafarisayo watu hawakuweza kuja kutafuta uponyaji hadi jua lilipokuwa limezama. Kisha kutoka majumbani, madukani na masokoni, wakazi wa jiji walikusanyika kuelekea kwa nyumba sahili ambapo Yesu alikuwa amepokewa. Wagonjwa waliletwa kwenye mikokoteni, walikuja wakitegemezwa na fimbo, au wakisaidiwa na marafiki, walikuja kwa taabu mbele ya Mwokozi....

Kamwe, Kapernaumu ilikuwa haijawayahi kushuhudia siku kama hii. Hewa ilijaa sauti za ushindi na kelele za ukombozi.

Ni mpaka mgonjwa wa mwisho alipoponywa ndipo Yesu alipokoma kazi Yake. Ilikuwa usiku wa manane wakati umati uliondoka na kimya kilipokalia nyumba ya Simoni. Siku ndefu na yenye kisisimua ilikuwa imepita, na Yesu alitafuta pumziko. Lakini wakati jiji lilipokuwa likizama katika usingizi, Mwokozi, “Hata alfajiri na mapema sana akaondoka,” “akatoka akaenda zake mahali pasipokuwa na watu, akaomba huko” (Marko 1:35).

Mapema asubuhi, Petro na wenzake walikuja kwa Yesu, wakisema kwamba tayari watu wa Kapernaumu walikuwa wanamtafuta. Kwa mshangao walisikia maneno ya Kristo, “Imenipasa kuihubiri habari njema ya ufalme wa Mungu katika miji mingine pia; maana kwa sababu hiyo nalitumwa” (Luka 4:43).

Katika msisimko uliojaa Kapernaumu wakati huo, kulikuwa na hatari kwamba lengo la huduma Yake lisingeonekana. Yesu hakuridhika kuvutia usikivu Kwake Mwenyewe ili kujionesha kama mtenda maajabu (mazingaombwe) au kama mponyaji wa magonjwa ya mwili. Alikuwa akitafuta kuwavutia watu kwake kama Mwokozi wao. Wakati watu wakiwa na hamu ya kuamini kwamba alikuwa amekuja kama mfalme kuanzisha utawala wa kidunia, alitaka kubadili mawazo yao kutoka kwa mambo ya kidunia na kuelekeza kwenye mambo ya kiroho. Mafanikio ya kidunia hayangeweza kuingilia kazi Yake....

Maisha Yake hayakuchanganywa na kujitukuza nafsi... Bwana Yesu hakutumia mbinu zozote wanazotumia watu kuvutia usikivu au kuamsha heshima zilizoleta Yesu...

Jua la Haki halikujitokeza kwa ulimwengu kwa mwangaza mkubwa, kuwavutia kwa utukufu Wake. Imeandikwa kuhusu Kristo, “Kutoka kwake kumepangwa kama asubuhi” (Hosea 6:3). Kwa utulivu na kwa upole mwangaza wa asubuhi huangaza duniani, ukiondoa giza na kuamsha dunia kwa ajili ya uzima. Ndivyo Jua la Haki lilivyoinuka, “kuponya katika mbawa zake” (Malaki 4:2) (The Ministry of Healing, 29-32).